


INTAS-ը մրցակցում է ԱՄՆ-ի հետ

Հայաստանի գիտությունը տալիս զրանտատու կազմակերպություններից մեկի՝ INTAS-ի տաշտոնական ներկայացուցիչ Ֆեդերիկո Ֆերինին հուլիսի 3-ից գտնվում է Երևանում եւ երեկ ԳԱԱ-ի դահլիճում հանդիմեց հայ գիտնականների հետ:



դես նաեւ Եվրամիությունը՝ որդես առանձին միավոր: Այն իր առաքելությունն է համարում աջակցել ԱՊՀ երկրներում գիտության զարգացմանը եւ ԱՊՀ ու Եվրոպական երկրների գիտնականների համագործակցությանը: Դրամաշնորհի համար հայտ դեսոք է ներկայացնեն խմբով, ընդ

որում խմբի անդամները ցանկալի է լինեն տարբեր երկրներից, ինչը հաճախ այնքան էլ հեշտ չէ ադահովել: Լրագրողների հետ առանձնագրույցում «Նոյյան տաղանի» թղթակցի հարցին՝ կա՞մ մրցակցություն INTAS-ի եւ մյուս, հատկադես ԱՄՆ-ի կողմից ֆինանսավորվող զրանտատու կազմակերպությունների միջեւ, Ֆեդերիկո Ֆերինին բացասական դատասխան տվեց: Սակայն հարեանությամբ կանգնած Վ. Բարխուդարյանը ցածրաձայն նկատեց՝ «Կա՛, կա՛ մրցակցություն»: Իսկ Ֆ. Ֆերինին շեշտեց, որ իրենք շատ լավ համագործակցում են ՆԱՏՕ-ի հետ: Ըստ Ֆ. Ֆերինիի՝ INTAS-ը օգնում է հայ գիտնականներին, քանի որ Եվրոպայի համար շատ կարեւոր է, որ դահողանվի ԱՊՀ երկրների գիտական համակարգը՝ որդես զարգացման, խաղաղության երաշխիք: INTAS-ի ներկայացուցիչն, այնուամենայնիվ, հետո ընդունեց, որ մրցակցություն կարող է լինել ԱՄՆ-ի համեմատ ավելի շատ գիտնականներ ԱՊՀ երկրներից ներգրավելու հարցում ու զարմանալի է համարում, որ ինչո՞ւ են Եվրասիական երկրների գիտնականները աշխատում ոչ թե

Եվրոպայի համար, այլ՝ մյուս մայրցամաքների: INTAS-ը իր գործունեությունը Հայաստանում սկսել է 1992 թվից եւ մինչ օրս հատկացրել է 2.257.675 Եվրոյի դրամաշնորհ՝ 115 տարբեր ծրագրերի համար: INTAS-ին առավել հետաքրքրում է ֆիզիկայի ոլորտը՝ թեւէ Ֆ. Ֆերինիի հավաստմամբ, իրենք ֆինանսավորում են գիտության բոլոր ոլորտներին առնչվող ծրագրերը: Յուրաքանչյուր տարվա մրցութային ծրագրերը որոշակի թեմայով են լինում: Այս տարվա թեման շրջադատի ադտոտվածության խնդիրն է, որի լուծման առաջարկով կարող են հանդես գալ տարբեր ոլորտների գիտնականներ: Բացի թեմատիկ մրցութներից, կան նաեւ բաց մրցութներ, որոնց կարող են մասնակցել բոլոր բնագավառների գիտնականները եւ ցանկացած թեմայով: Նույն գիտնականը կարող է մի քանի ծրագրերի հայտ ներկայացնել, բայց եթե բոլորի համար էլ դրամաշնորհ չաիի, կվարձատրվի միայն մեկ դրամաշնորհի համար նախատեսված հոնորարի չափով: Բացի այդ, զրանտների չափը գրեթե նույնն է եւ հաշվի չեն առնված գիտության տարբեր ոլորտների առանձնահատկությունները, առավել կամ դակաս ծախսատար լինելը: Հասկանալի է, որ սրանք այնքան էլ գայթակղիչ դայմաններ չեն:

Ֆեդերիկո Ֆերինին, ի դատասխան լրագրողի հարցին, տեղեկացրեց, որ գիտական աշխատանքների հեղինակային իրավունքը դատկանում է միայն գիտնականներին: Նա վստահեցրեց, որ INTAS-ը բացարձակ ոչ մի հավակնություն այս հարցում չունի:

ՆԱԻՐԱ ՀՈՎՀԱՆՆԻՍՅԱՆ